

խանցել տալ կառավարական հաշուետու մարմներու մէջ, և այդ հաշիւին մէկ մասը ուղղակի ելմտից նախարարութիւնէն գտնձել. մէկ մասն ալ Երուսաղէմի սնտուկին վրայ փոխգիր ստանալ: Յարութիւն պտրք. 1888ին ալ դեռ Պոլսէն Երուսաղէմ չմեկնած՝ նոյն հաւաքուած տուրքերէն 31,000 լիրայի հիվադիներ կ'ստանայ վճարուելու համար Հալէպի, Երուսաղէմի և Պէրութի կայս. սնտուկներէն. Յարութիւն պտրք. այս և այսպիսի խնդիրներուն պատճառաւ Պոլիս կը մնայ մինչև 1888, և կը մեկնի Պոլսէն 1889 Մայիս 10ին, արտասովոր հանդէսով. Մայիս 20ին Երկրորդ Ծաղկազարդին փառաւոր հանդէսով կը մտնէ Երուսաղէմ. իր ուխտը կը կատարէ և կը բազմի Ս. Յակոբի Աթոռը և Մայիս 30ին կ'ոկսի վարչական գործերու: Աթոռական գործերու կարգադրութեան համար կ'ստիպուի ուղևորիլ Պոլիս 1893ին, և 1894ի սկիզբը Ս. Յակոբ կը վերադառնայ: Կը վախճանի 1910ին և կը թաղուի ի շարս պատրիարքաց Ս. Փրկչի վանքի մէջ: Ի նպաստ Ս. Յակոբի իր անձնական ծախքով մը թերանոցներ շինել տուած է Յոպպէի և Երուսաղէմի մէջ, ինչպէս նաև մեծ և հոյակապ հիւրանոց մը որ այժմ կը կոչուի Վեհաշէն, որուն արդէն վերեւ ակնարկեցինք: Յարութիւն պտրք. զարձեալ իր ծախքով շինել տուած է Ս. Փրկչի վանքին պարիսպները. ինչպէս նաև Ս. Թորոս եկեղեցիին մէջ հաստատած է Ս. Յակոբի ձեռագիրներու մասնաւոր գարակները: Տեսնել իր ընդարձակ կիկնագրութիւնը (Առախ. 1887):

ՅԱՐՈՒԹԻՒՆ ՍՐԿ. ԳՈՆԻԱՅԻ.— Մբ. 1822ին. Ս. Յակոբի վանքին մէջ կ'ընդօրինակէ Ադրիւր քացեալ ձեռագիրը (ՄԶ. Թ. 1780):

ՅԱՐՈՒԹԻՒՆ ՍՐԿ. ԷՔՍԷՐՃԵԱՆ, ՊՈԼՍԵՅԻ.— Ձեռագիր Տաղարանի մը մէջ (Տաշ. Յուց. Թ. 514) Յարութիւն սրկ. կը յիշատակուի այսպէս. «Յարութիւն սարկաւազ Սրբոյ Երուսաղէմի էքսէրձեան Բիւզանդացւոյ»: Նոյն Տաղարանին մէջ (էջ 986) յիշեալ սարկաւազը ունի զանազան քերթուածներ: Յարութիւն սարկաւազ Մինաս Ամդեցիէն սարկաւազ ձեռնագրուած է (Չաւչ. Գ. 748) ինչպէս կը հասկցուի նաեւ եւալ տողերէն. «Սորա (Մինաս Պե.) սարկաւազ էր Յարութիւն Բիւզանդացի. էքսէրձի օղլու ասացեալ. աչր բազմահանճար. որ